



Aatsitassanut Ikummatissanullu Pisortaqaarfik
bmp@nanoq.gl

Ulloq/Dato: 06-03-2012
J. nr.: 74.00

Att: Frants Torp Madsen

Tusarniaanermi akissut: Misissueqqissaarnermut akuersissummut 2009/16, ISUA tunngatillugu suliniutit pillugit

Kommunit ataatsimoortumik aatsitassanut ikummatissanullu tunngasumik suleqatigiissitaasa aamma KANUKOKA-p tusarniaanermut atatillugu paasissutissat nassiunneqartut qujasutigai, ikaartarfimmik, aqqusineramik aamma tammaarsimaartarfimmik pilersitsinissamut tunngasuusut, Akuerissummut 2009/15 ISUA Nuup kangerluata qinnguaniittumut tunngatillugu tusarniaassutaasut.

Kommunit isumasioreerlugit aalajangiunneqarpoq Kommuneqaarfik Sermersooq qinnuteqaammi immikkuualuttunut tigussaasunut isummersussasoq, taavalu KANUKOKA aamma kommunit ataatsimoortumik aatsitassanut ikummatissanullu tunngasumik suleqatigiissitaat kommunit sisamaasut tamaasa sinnerlugit tunngaviusumik pissutsit qinnuteqaammi pineqartumi sammineqartut isummerfigissagaat.

Aammaarlugu oqaatigineqaqqissaq pissusissamisuunngimmat sanaartugassat suliarineqartussat aallartinneqarnissaat piareersarneqarmat tusarniaanermut piffissaliussa q naasimatsiaannartoq. Tamatuma periarfissaqartinngilaa tusarniaanermi uparuartuutigineqartut suliniutip ilusilersorneqarnerani sunniuteqartinneqarnissaat. Naalakkersuisunut ilaasortamit Ove Karl Berthelsen-imit sermitsiaq.ag – imi februarip 22-ianni 2012 nalunaarutigineqartut suliami sanilliuikkaanni, ”taamaattumik London Mining akuerineqassaaq” paasinarsivoq tusarniaaneq suliami susassaqtumik piviusumik tunngavilimmik peqataatitsinerunngitsoq, ”isiginnaartitsinerinnaasorlu”. Tamanna Naalakkersuisut avammut nalunaartarnerannut naapertuutinngilaq, tassani oqaatigineqartarmat oqartussaaqataaneq pingaartinneqartoq, aamma lu ingerlatsinermi ammasumik innuttaasunillu peqataatitsinermik tunngaveqartumik sulisoqartoq.

Kommunit assut pingaartippaat najukkani ataasiakkaani inuussutissarsiortut sapinngisamik annertunerpaamik akulerusimatinneqarnissaat. Takuneqarsinnaavoq suliamik ingerlatsinissami suliasat Kalaallinut entreprenørinut suliffeqarfinnullu allanut suliariumannittussarsiunniarneqartut, unammilleqatigiinnikkut. London Mining-ip naatsorsuutigisimappagu suliasat marsi aallartiinnartoq ingerlanneqalernissaat, taava kommunit naatsorsuutigivaat suliariumannittussarsiuussinermi atortut siusinnerusukkut nassiunneqareersimasut kukkunersioreersimassagai, najukkanilu ataasiakkaani suliasanik tigusinissamut neqeroorsinnaasut ilisimatiersimassagaat, suliasaalerumaartut pillugit taamaaliornikkut taakkua piviusumik tunngavilimmik periarfissaqarsinnaaqullugit neqeroorutinin nassiussaqaarnissamut, - suliasat pineqartut aallartinneqarnissaannut akuersissuteqartoqassappat. Kommunit paasissutissat pissarsiarisimasaat naapertorlugit suliariumannittussarsiuussinermi siusinnerusukkut nassiunneqartut inuussutissarsiortuniit assut iluarineqarsimanngillat, London Mining-ip suliarinnittuulerumaarsinnaasunut qularnaveequsiinissamik piumasaqaataasa annertussusiat pissuti-

galugu. Suliffeqarnermi illuatungeriit suleqatigalugit naammaginarturnik piviusorsiorturnillu periarfissiisoqartariaqarpoq, suliassanut neqerooruteqarsinnaanermut. Kommunit BMP-mut kaammattuutigissavaat "Aatsitassanut inatsimmi" § 18 naapertorlugu sapinngisamik anner-tunerpaamik kalaallinik sulisoqarnissap iluaqutigineqarnissaa, suliassaalersussat akuersis-sutigineqassappata.

Siusinnerusukkut tusarniaanerni akissummi nassiunneqartumi atuarneqarsinnaasutut, nuna-minertani pineqartuni misissueqqissaarnissamut akuersissuteqarnermut atatillugu, taava kommunit aatsitassanut Ikummatissanullu tunngasumik suleqatigiissitaat isumaqarpoq mi-sissueqqissaarnissamut tunngasumik akuersissuteqartarnermut maleruaqqusat suliani misis-sueqqissaarnerunngitsuni, - tassunga ilaallutik aqquserniornerit ikaartarfiliornerrillu, - eqqarsaatigalugit misissueqqissaarnermut akuersissutit tunngavigalugit akuersisoqartarnera ajornartorsiutitaqartoq. Aatsitassanut Ikummatissanullu inatsimmik tunngaveqartumi inger-latsineq taanna assut silitumik suut "aatsitassanik ujaasinertut" isiginninnermik piler-sitsivoq, kommunillu isumaat naapertorlugu annertusiartortumik innuttaasut tungaanniit Aatsitassanut Ikummatissanullu Pisorta qarfi mmut tatiginninnginnermik annertusiartortumik pilersitsilluni, piffissami kingullerni tusagassiorfitsigut saqqummiussani malugineqarsinnaa-sutut. Kommunit matumuuna assortunngilaat Aatsitassanut Ikummatissanullu Pisorta qarfi up inatsisitigut pisinnaatitaanera, kisiannili tikkuarlugu killeqanngiusartumik ingerlatsinermut pisinnaatitaaneq pineqartoq aqunneqartariaqartoq suliassat ingerlanneqarsinnaanerannut naapertuuttumik, Aatsitassanut Ikummatissanullu Pisorta qarfi up pilersinneqarnermini pibus-saaffigisaminik ingerlatsisinnaanerannut atatillugu.

Aqquserniorneq ikaartarfiliornerru Isua-ni ingerlanneqartussaq pinngortitami maannamut at-torneqanngingajattumi suliaalersussaavoq. Pinngortitamut akuliunnermik kinguneqartumik taamak annertutigisumik piviusunngortitsinissaq tamakkiisunik ilisimasassanik tunnga-veqartumik ingerlanneqartariaqarpoq, taamaattumillu avatangiisinut inuiaqatigiinnullu sun-niutaasussat naammattumik nalilersorneqarsimanerannik tunngaveqartariaqarluni. Piiasin-naanermut akuersissummik tunniussiner mi piumasaqaataavoq VVM-imut aamma VSB-mut tunngasumik piumasaqaatit naammassineqarsimanissaat, taamaaliornikkut akuersissuteqar-nerup kingunerissassaanik tamakkiisumik takunnittoqarsinnaanngorlugu, aammalu "Impact Benefit Agreement IBA" sularineqassaaq, inuiaqatigiit suliniummit annertunerpaamik pis-sarsiassaqaarnissaat siunertaralugu. Qinnuteqaammut ilanngullugu London Mining nalunaa-rusiamik Orbicon-imit suliaasumik nassiussaqaarpoq, tassanilu naatsumik suliniutip sunniu-tissai allaaserineqarput. Nalunaarusiarli VVM-imut aamma VSB-mut tunngatillugu nalu-naaruteqarnissamut piumasaqaatinik naammassinneqqajangilaq. Kommunit paaserusuppaat tunngaviusut suut aallaavigalugit Aatsitassanut Ikummatissanullu Pisorta qarfi up nalilersi-maneraa IBA-mik suliniummut atatillugu suliaqartoqannginnissaa.

Kommunit eqqarsarnartoqartippaat aqqusineq aamma ikaartarfik aatsitassarsior-nissamut suliniutaasup avataaniittutut nalilersorneqarnera. Pissusissamisunngilaq suliassaq taamak annertutigisooq "killorlugulusooq" piviusunngortikkiaartuaarneqarmat, taamaasillunilu kingu-nerisassaasa ataatsimoortumik nalilersorneqarsinnaaffianni naleqqussarneqarsinnaaffiannilu periarfissaq qaangiutereersimasinnaalluni.

Siuliani eqqartorneqartut tunuliaqutaralugit kommunit kissaatigaat aatsitassarsior-nissamut suliniut tamarmiisoq eqqarsaatigalugu mattussisoqariissanersoq aqqusinniornikkut ikaartar-filiornikkullu, tassungalu ilanngullugu aqqusinniornerup ikaartarfiliornerrullu aatsitassarsior-fimmi qanoq ittumik nukissiuuteqarnissaq sunniuteqarfigineraa. Kommunit ataatsimut isi-

galugu isumaqarput nunatsinni erngup nukinganit nukissiuusiorfiusinnaasut pillugit anguni-agassanik siunnerfiusussanik suliaqartoqartariaqartoq, - aammalu Isua-ni London Mining-ip suliniutaa suliami tamatumani ilaasariaqartoq.

Naggasiullugulu erseqqissaatigineqassaaq kommunit nunatsinni pisuussutitta ajunngitsumik iluaqutigineqarnissaat isumagimmassuk, kisianili taamatut iluaquteqarniarnermi nunarsu-armioqatigiit aqqissugaannik maleruagassat qaffasinnerpaat, tassunga ilaallutik innuttaasut sunniuteqartinneqarnerat, avatangiisit, - suliffimmi avatangiisit aamma isumaginninnikkut pisussaaffiit tamakkiisumik eqqortinneqarnissaat.

Inuulluaqqusilluta

Kommunit ataatsimoortumik aatsitassanut ikummatissanullu tunngasumik
suleqatigiissitaat sinnerlugu



Zenica Gosvig Larsen
Miljøkonsulent/KANUKOKA